

Broj: 7995-17/18

Datum: 21.12.2018. godine

Na osnovu člana 21. stav 1. tačka a), člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 7995-15/18 od 19.12.2018. godine, u postupku javne nabavke roba – **Lijekovi po ATC klasifikaciji podgrupa A02, A03 i A05**, direktor Javne ustanove Opća bolnica „Prim. dr. Abdulah Nakaš“, je donio

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 7995-15/18 od 19.12.2018. godine i Ugovor za javnu nabavku roba – **Lijekovi po ATC klasifikaciji podgrupa A02, A03 i A05** dodjeljuje se ponuđaču „MEDIMPEX“ d.o.o. Sarajevo, ponuda br. 02-4829, dostavljena dana 18.12.2018. godine, za ponuđenu cijenu od 36.602,70 KM bez uračunatog PDV-a, kao jedinom i najpovoljnijem ponuđaču.

Član 2.

Izabrani ponuđač je obavezan dostaviti originale ili ovjerene kopije dokumentacije iz člana 45. i 47. Zakona o javnim nabavkama odmah, a najkasnije u roku 2 (dva) dana po prijemu Odluke o izboru najpovoljnijeg ponuđača na Protokol Ugovornog organa.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **7995-2/18 od 20.09.2018. godine.**

Javna nabavka je sprovedena **putem pregovaračkog postupka bez objave obavještenja.**

Procijenjena vrijednost javne nabavke bez PDV-a je **do 64.000,00 KM.**

Informacija o provođenju pregovaračkog postupka bez objave obavještenja i tenderska dokumentacija objavljena na web portalu Opće bolnice dana 03.10.2018. godine.

Komisija za nabavku, imenovana je Rješenjem broj: **7995-3/18 od 20.09.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o provedenom otvaranju inicijalnih ponuda broj: **7995-7/18 od 23.10.2018. godine,** Zapisnik o provedenom pregovaranju broj: **7995-11/18 od 17.12.2018. godine,** Zapisnik sa otvaranja konačne ponude broj: **7995-14/18 od 19.12.2018. godine,** Preporuku o izboru najpovoljnijeg ponuđača broj: **7995-15/18 od 19.12.2018. godine** i Izvještaj o radu broj: **7995-16/18 od 20.12.2018. godine,** u postupku javne nabavke roba: **Lijekovi po ATC klasifikaciji podgrupa A02, A03 i A05.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljene 2 ponude,

- da je ponuda ponuđača **MEDIMPEX d.o.o. Sarajevo,** kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

- da ponuda ponuđača **PTD MGM FARM d.o.o. Kakanj,** nije kvalifikovana niti prihvatljiva iz sljedećih razloga:

Uvidom u dostavljenu ponudu ponuđača **PTD MGM FARM d.o.o. Kakanj** konstatuje se da je ponuđač dostavio Izjavu na strani 29. ponude u kojoj je navedeno da nije u mogućnosti isporučiti stavku 9. tehničke specifikacije (Esomeprazol injekcije 40 mg) jer lijek nije u prometu.

Imajući u vidu prednje navedeno odbacuje se inicijalna ponuda ponuđača **PTD MGM FARM d.o.o. Kakanj** za predmetnu nabavku u skladu sa članom 68. stav (4) tačka i) Zakona o javnim nabavkama.

U skladu sa naprijed navedenim, Ugovorni organ je dana 24.10.2018. godine donio Odluku o rezultatu postupka pretkvalifikacije I faza broj 7995-8/18 koja je dostavljena svim ponuđačima učesnicima u predmetnom postupku.

Na Odluku o rezultatu postupka pretkvalifikacije I faza broj 7995-8/18 od 24.10.2018. godine uložena je Žalba žalitelja **PTD MGM FARM d.o.o. Kakanj** koju je Ugovorni organ u skladu sa

članom 100. stav 5. Zakona o javnim nabavkama uz Izjašnjenje proslijedio Uredu za razmatranje žalbi.

Dana 29.11.2018. godine Ured za razmatranje žalbi Filijala Mostar je Zaključkom broj JN2-03-07-1-1537-9/18 odbacio žalbu žalitelja kao neurednu, nakon čega je Ugovorni organ pristupio okončanju predmetnog postupka.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač **MEDIMPEX d.o.o. Sarajevo** najbolje ocijenjen zbog:

najniže cijene

1.	Naziv ponuđača	Ponuđač „MEDIMPEX“ d.o.o. Sarajevo
2.	Sjedište i adresa	Ul. Igmanska broj 38, 71320 Vogošća
3.	Ukupna cijena ponude bez PDV-a	36.602,70 KM
4.	Rok isporuke robe	Sukcesivna isporuka u roku 7 (sedam) dana od dana potpisa Ugovora/Okvirnog sporazuma za period od 24 mjeseca
5.	Uslovi i način plaćanja	60 dana od dana isporuke i ispostave fakture
6.	Podaci o dijelu ugovora koji se daje u podugovor i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom

Izabrani ponuđač je izabran primjenjujući kriterij: Najniža cijena.

Iz navedenih razloga, primjenom člana 21. stav 1. tačka a), člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama („Sl. glasnik BiH“ broj: 39/14), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

Dostaviti:

- Ponudaču: MEDIMPEX d.o.o. Sarajevo
- Ponudaču: MGM FARM d.o.o. Kakanj
- Odjeljenje za ekonomsko-finansijske poslove
- Odsjek za javne nabavke
- Komisiji za javne nabavke
- a/a

